


唐雅

目錄

卷十之十二



唐雅第五冊目錄

卷之十

郊丘部

郊天舊樂章一首

武后享昊天樂章十二首

中宗祀昊天樂章十首

五郊樂章二十首

魏徵褚亮虞世南等作

五郊舊樂章十首

張九齡南郊太尉酌獻武舞作凱安

之樂一首

張九齡南郊文武出入舒和之樂一

首

杜甫有事於南郊賦一首

冬至祀園丘樂章八首

魏徵褚亮虞世南等作

玄宗祀圓丘樂章十一首

褚亮作祭方丘樂章五首

睿宗祭方丘樂章三首

卷之十一

祭祀部

祈穀樂章三首

貞觀中褚亮等作

褚亮作雩祀樂章三首

雩祀舊樂章二首

朝日樂章三首

朝日樂章二首

宗夕月樂章三首

蜡百神樂章三首

蜡百神舊樂章二首

唐雅錄卷之四目錄 二
祀九宮貴神樂章十五首

張九齡奉和聖製燭龍齋祭一首

宗廟部 樂章三首

太宗享太廟樂章十一首

高宗享太廟樂章五首

享太廟樂章又三首

中宗享太廟樂章十四首

玄宗享太廟樂章二十五首

張說奉
勅撰

陳叔達太廟裸地歌辭一首

儲光羲尚書省受誓誠治太廟裴丞

一首

褚亮宗廟九德之歌辭一首

杜甫朝享太廟賦一首

張九齡奉和聖製謁玄元皇帝廟齋

一首

太清宮樂章十一首

杜甫朝獻太清宮賦一首

武后享清廟樂章十首

李舒讓皇帝廟樂章六首

李舒德明興聖廟樂章七首

昭德皇后廟樂章九首

儀坤廟樂章十二首

儀坤廟舊樂章二首

武氏享先廟樂章一首

常氏褒德廟樂章五首

享隱太子廟樂章五首

享隱太子廟舊樂章二首

卷之十二

社稷部

太宗祭神州樂章三首 貞觀中褚亮作

祭神州舊樂章二首

太宗祭太社樂章三首 貞觀中褚亮等作

祭太社舊樂章二首

享先農樂章四首 貞觀中褚亮等作

享先農舊樂章一首

享先蠶樂章五首 明慶中作

釋奠部

釋奠文宣王樂章五首開元中作

享孔子廟舊樂章二首

賈至旌儒廟頌一首并序

釋奠武成王樂章五首

巡狩部

太宗幸武功慶善宮賦一首

太宗重幸武功一首貞觀中作

太宗於北平作一首

虞世南奉和至壽春應令一首

虞世南奉和幸江都應詔一首

玄宗幸蜀西至劔門一首

玄宗幸鳳湯泉一首開元中作

張說奉和聖製幸鳳湯泉應制一首

玄宗途次陝州一首

張說奉和聖製途次陝州應制一首

張九齡奉和聖製初出洛城一首

盧照鄰沈佺期上之回共二首

唐雅第五冊目錄
宋璟蒲津迎駕一首 同共二首

宋之問駕出長安一首 同共一首

沈佺期獄中聞駕幸長安二首

王昌齡駕幸河東一首

盧象駕幸溫泉一首 溫泉賦一首

李白上皇西巡南京歌十首

唐雅第五冊目錄終

唐雅卷第十

大明嘉靖壬子歲直隸常州府無錫縣置板

郊丘部

郊天舊樂章一首

登銅禮著黍稷誠微音盈鳳管彩駐龍旂洪

歆式就介福攸歸送樂有闋靈馭遄飛

武后享昊天樂章十二首

太陰凝至化真耀蘊軒儀德邁娥臺敞仁高

妙幄披捫天遂啓極夢日乃昇曦

瞻紫極望玄穹翹至懇罄深衷聽雖遠誠必
通垂厚澤降雲宮
乾儀混成冲邃天道下濟高明闔陽晨披紫
闕太一曉降黃庭圓壇敢由昭報方壁冀展
虔情丹襟式敷衷懇玄鑒庶察微誠
巍巍叡業廣赫赫聖基隆菲德承先顧禎符
萃眇躬銘開武巖側圖薦洛川中微誠詎幽
感景命忽昭融有懷慙紫極無以謝玄穹
朝壇霧卷曙嶺煙沉爰設篚幣式表誠心筵
輝麗壁樂暢和音仰惟靈鑒俯察翹襟
昭昭上帝穆穆下臨禮崇備物樂奏鏘金蘭
羞委薦桂醑盈斟敢希靈德聿罄莊心
罇浮九醞禮備三周陳誠非奠契福神猷
奠壁郊壇昭大禮鏘金拊石表虔誠始奏承
雲娛帝賞復歌調露暢韶英
荷恩承顧託執契恭臨撫廟略靜邊荒天兵
曜神武有截資先化無爲遵舊矩禎符降昊
穹大業光寰宇

肅肅祀典邕邕禮秩三獻已周九成斯畢爰
撤其俎載遷其實或升或降唯誠唯質
禮終肆類樂闋九成仰惟明德敢薦非馨顧
慙菲奠久駐雲輶瞻荷靈澤悚戀兼盈
式乾路闢天扉迴日馭動雲衣登金闕入紫
微望仙駕仰恩徽

中宗祀昊天樂章十首

景龍三年十一月二十三日中宗皇帝
親祀昊天上帝于南郊先是國子祭酒

祝欽明司業郭山暉建言古者大祭祀
后裸獻以瑤爵皇后當助祭天地太常
博士唐紹蔣欽緒以爲周禮惟有助祭
先王先公無助祭天地之文侍中韋巨
源請依欽明議上乃以皇后爲亞獻仍
以宰相女爲齋娘助執豆籩大赦齋娘
有婿者皆遷官流人放還是日直學士
徐彥伯上南郊賦

天之曆數歸睿唐顧惟非德欽昊蒼選吉日

兮表殷薦冀神鑒兮降闔陽
恭臨寶位肅奉瑤圖恒思解網每軫泣辜德
慙巢燧化劣唐虞期我良弼式贊嘉謨
得一流玄澤通三御紫宸遠叶千齡運遐銷
九域塵絕瑞駢闐集殊祥絡繹臻登年慶栖
畝稔歲賀盈困

悠哉廣覆皇矣曲成九玄著象七曜甄明珠
璧是真醞酎斯盈作樂崇德爰暢咸英

崇壇展敬嚴配因心孤竹簫鼓空桑瑟琴肅
穆大禮鏗鏘八音恭惟上帝希降靈歎

九成爰奏三獻式陳欽成景福恭託明禋
坤元光至德柔訓闡皇風芾苾芳聲遠益斯
美化隆獻範超千載嘉猷備六宮肅恭陪盛
典欽若薦禋宗

三靈降饗三后配神虔申享奠敬展郊禋
已陳粢盛敷嚴祀更奏笙鏞協雅聲琬圖寶
曆欣寧謐晏俗淳風樂太平

堂堂聖人興赫赫昌基泰戎車盟津偃玉帛

塗山會舜日啓祥暉堯雲卷征旆風猷被有
截聲教覃無外

五郊樂章二十首

魏徵褚亮虞世南等作

黃中正位含章居貞既長六律兼和五聲畢
陳萬舞乃薦斯牲神其丕降永祚休平

眇眇方輿蒼蒼圓蓋至哉樞紐宅中圖大氣
調四序風和萬籟祚我明德時雍道泰

金懸夕肆玉俎朝陳饗薦黃道芬流紫宸迺
誠迺敬載享載禋崇薦斯在惟神是賓

御徵乘宮出郊甸安歌率舞遞將迎自有雲
門符帝賞猶持雷鼓答天成

鶴雲旦起鳥星昏集律候新風陽闢初蟄至
德可饗行潦斯挹錫以無疆蒸人乃粒

玄鳥司春蒼龍登歲節物變柳光風轉蕙瑤
席降神朱絃饗帝誠備祝嘏禮殫珪幣

大樂稀音至誠簡禮文物棣棣聲明濟濟六
變有成三登無體迺眷豐絜恩覃愷悌

笙歌籥舞屬年韶鷺鼓鳧鍾展時豫調露初

迎綺春節承雲遽踐蒼霄馭
 青陽告謝朱明戒序咸長是
 祈敬陳椒醕博碩斯薦笙鏞
 備舉庶盡肅恭非馨稷黍齊
 六離位克明火中宵見峰雲
 暮起景風晨扇木槿初榮含
 桃可薦芬馥百品鏗鏘三變
 蕙氣昭昭丹陸奕奕炎方禮
 陳牲幣樂備篚簋瓊羞溢俎
 玉醑浮觴恭惟正直歆此馨
 香千里温風飄絳羽十枝炎
 景媵朱干陳觴薦俎歌三獻
 拊石撻金會七盤

白藏應節天高氣清歲功既
 阜庶類收成萬方靜謐九土
 和平馨香是薦受祚聰明入
 金行在節素靈居正氣肅霜
 嚴林凋草勁豺祭隼擊潦收
 川鏡九穀已登萬箱流詠律
 應西成氣躔南呂珪幣咸列
 笙竽備舉苾苾蘭羞芬芬桂
 醕式資宴貺用調霜序璿儀
 氣爽驚緹籥玉呂灰飛含素
 商鳴鞀奏管芳羞薦會舞安
 歌葆眊揚嚴冬季月星迴風
 厲享祀報功方祚來歲

律回玉琯星周金度次極陽烏紀窮陰兔火
林霰雪陽泉凝沍八蜡已登三農息務
陽月斯紀應鍾在候載素牲牲爰登俎豆既
高旣遠無聲無臭靜言格思惟神保佑
執籥持羽初終曲朱千玉鍼始分行七德九
功咸已暢明靈降福具穰穰

五郊舊樂章十首

朱明紀序黃郊王辰厚以載物甘以養人毓
金爲體稟火成身宮音式奏奏以迎神

春末冬暮徂夏抄秋土王四月時紀一周黍
稷已享邊豆宜收送神有樂神其賜休

緹幕移候青郊啓蟄淑景遲遲和風習習壁
玉宵備旌旄曙立張樂以迎帝神其入

文物流彩聲明動色人竭其恭靈昭其飭歆
薦無已垂禎不極送禮有章惟神還軾

青陽節謝朱明候改靡草彫花含桃流彩虞
列鍾磬筵陳脯醢樂以迎神神其如在

炎精式降蒼生攸仰羞列豆邊酒陳犧象昭

祀有期令儀不爽送樂張音惟靈之往
序移玉律節應金商天嚴殺氣吹警秋方
燎既積稷奠並芳樂以迎奏庶降神光
祀遵五禮時屬三秋人懷肅敬靈降禎休
歆旨酒薦享珍羞載張送樂神其上遊
玄英戒序黑郊臨候掌禮陳彝司筵執豆
寒氛歛色沍泉凝漏樂以迎神八音斯奏
北郊時冽南陸輝處奠本虔誠獻彌恭慮
上延祉福下承歡豫廣樂送神神其整馭

張九齡南郊太尉酌獻武舞作凱安
之樂一首

馨香惟后德明命光天保肅祀崇聖靈
陳信表皇道玉戚初蹈厲金匏既靜好
介福何穰穰精誠格穹昊

張九齡南郊文武出入舒和之樂一
首

祝史辭正人神慶叶福以德昭享以誠接
六變云備百禮斯浹祀事孔明祚流萬葉

杜甫有事於南郊賦一首

蓋主上兆於南郊聿懷多福者舊矣今茲練
時日就陽位之美又所以厚祖考通神明而
已職在宗伯首崇禋祀先是春官條頌祗之
書獻祭天之紀令泰龜而不昧俟萬事之將
履掌次閱瓊邸之則封人考墳宮之旨司門
轉致乎牲牢之繫小胥專達乎懸位之使二
之日朝廟之禮既畢天子蒼然視於無形澹
然若有所聽又齋心於宿設將盱食而匪寧
旌門坡陁以前驚駭騎反覆以相經頓曾城
之軋軋軼萬戶之發馳隨而如砥浴日上而
如萍掣翠旄於華盖之角彗蕃屋於鈞陳之
星神仙戍削以落羽魍魎幽憂以固扃戰岐
慄華擺渭掉涇地回回而風浙浙天泱泱而
氣清清甲冑乘陵轉迅雷於荆門巫峽玉帛
清迴霽夕雨於瀟湘洞庭於是乘輿需然乃
作翳夫鸞鳳將至以冲融參寥廓不可乎彌
度聲明通乎純粹溟濔爲之垠墉駟蒼螭而

蜿蜒若無骨以柔順奔鳥攫而黝蠕徒有勢
於殺縛朱輪竟野而杳冥金鏤成陰以結絡
吹堪輿以軒輕槍寒暑以前却中營密擁乎
太陽宸眷眇臨乎長薄熊羆羶耳以相舐虎
豹高跳以虛攫上方將降帷宮之緜縞屏玉
軼以蠖略人門行馬以拱乎合沓之場皮弁
大裘始進於穹崇之幕衝牙鏗鏘以將集周
衛鞞鞞而咸若月窟黑而扶桑寒田燭稠而
曉星落肅定位以告潔藹嚴上而清超雲齒
蓄以張蓋春歲蕤而建杓簪裾斐斐搏俎蕭
蕭方回曲折周旋寂寥必本於天王宮與夜
明相射動而之地山林與川谷俱標於是乎
官有御事有職所以敬鬼神所以勤稼穡所
以報本反始所以度長立極玄酒明水之上
越席䟽布之側必取先於稻秫麴蘖之勤必
取著於紛純文繡之飾雖三牲八簋豐備以
相洽而蒼璧黃琮實歸乎正色先王之丕業
繼起信可以永其昭配羣望之徧祭在斯示

有以明其翼戴由是播其聲音以陳列從乎
節奏以進退韶夏濩武采之於訓謨鍾石陶
匏具之於梗槩變方形於動植聽宮徵於磬
磻英華發外非因乎筍簾之高和順積中不
在乎雷鼓之大旣而腓骨柴燎窟塊驍
砮擘赫葩斜晦漬電纏風升雪颯星碎拂勿
涎澗沙溟菴淬聖慮岑寂玄黃增霈蒼生顛
昂毛髮清籟雷公河伯咸駘駘以修聳霜女
江妃乍紛綸而晻曖執紱秉翟朱干玉戚鼓
瑟吹笙金支翠旌神光倏歛祀事虛明於是
潛池平渙汗紆餘乎經營浸朱崖而灑朔漠
洵陽谷而濡若英耆艾涕而童子儻叢棘坼
而狴牢傾是率土之濱覃醑醪以涵泳非奉
郊之縣獨宴慰以縱橫玄澤淡汔乎無極殷
薦綢繆乎至精稽古之時屢應符而合契聖
人有作不逆寡而雄成爾乃孤卿侯伯雜羣
儒三老儼而絕皮軒趨帳殿稽首曰臣聞燧
人氏已往法度難知文質未變太昊氏繼天

而王根啓閉於厥初以木傳子攄終始而可
見洎虞夏殷周茲煥炳葱蒨舊秦失之於狼
貪蠶食漢綴之以蛇斷龍戰中莽茫夫何從
聖蓄縮曾不眷伏惟道祖視生靈之磔裂醜
害馬之蹄齧可五精之息肩考正氣之無轍
協夫貽孫以降使之造命更挈累聖昭洗中
祚觸蹶氣慘贖乎脂夜之妖勢迴薄乎龍蛇
之孽伏惟陛下勃然憤激之際天闕不敢依
拒鬼神爲之嗚咽高衢騰塵長劒吼血尊卑
配宇縣劓插紫極之將頽拾清芬於已缺鑪
以之仁義鍛以之賢哲聯祖宗之耿光卷夷
狄之影撒盖九五之後人人自以遭唐虞四
十年來家家自以爲稷卨王綱近古而不軌
天聽貞觀以高揭蠢爾差僭粲然優劣宜其
課密於空積忽微判定於興廢繼絕而後覩
數統從首八音六律而惟新日起筭外一字
千金而不滅上曰吁昊天有成命惟五聖以
授我其夙夜匪遑安用素撲以守于嗟乎麟

鳳胡爲乎郊藪豈上帝之降鑒及茲玄元之
垂裕于後夫聖以百年爲鶉鷲道以萬物爲
芻狗今何以茫茫臨乎八極眇眇託乎羣后
端策拂龜於周漢之餘緩視闊步於魏晉之
首斯上古成法蓋其人已朽不足道也於是
天子默然而徐思終將圖之又圖之意不在
抑殊方之貢亦不必廣無名之祠金馬碧雞
非理人之術珊瑚翡翠此一物何疑奉郊廟
以爲寶增怵惕以孜孜況大庭氏之時六龍
飛御之歸

久至祀園丘樂章八首

壽和六年魏徵褚亮虞世

南等作

上靈睠命膺會昌盛德殷薦叶辰良景福降
兮聖德遠玄化穆兮天曆長

穆穆我后道應千齡登三處大得一居貞禮
唯崇德樂以和聲百神仰止天下文明
闔陽播氣甄曜垂明有赫玄宰深仁曲成日
麗蒼壁烟開紫營聿遵乾亨式降鴻禎

欽惟大帝載仰皇穹始命田燭爰啓郊宮雲
門駭聽雷鼓鳴空神其介祀景祚斯融
八音斯奏三獻畢陳寶祚惟永暉光日新
疊壁凝影皇壇路編珠流彩帝郊前已奏黃
鍾歌大呂還符寶曆祚昌年

昔在炎運終中華亂無象艷郊赤烏見印山
黑雲上大賚下周車禁暴開殷網幽明同叶
贊鼎祚齊天壤

歌奏畢兮禮獻終六龍馭兮神將昇明德感
兮非黍稷降福簡兮祚休徵

玄宗祀圓丘樂章十一首

開元十
年

至矣丕構丞哉太平授犧膺籙復禹繼明草
木仁化鳧鷖頌聲祀宗陳德無愧斯誠
郊壇齊帝禮樂祀天丹青寰宇宮徵山川神
祇畢降行止重旋融融穆穆納祉洪延
止奏潛聆登儀宿疇大玉躬奉參鍾首奠簠
簋聿昇犧牲迺薦昭事顯若存存以倪
爛雲普洽律風無外千品其凝九賓斯會禮

尊晉燭純犧滌汰玄覆攸廣鴻休汪濊會野
六變爰闕八階載虔祐我皇祚於萬斯年

於赫聖祖龍飛晉陽底定萬國奄有四方功
格上下道冠農黃郊天配享德合無疆

崇崇泰時肅肅嚴禋粲盛孔繁金石畢陳上
帝來享介福爰臻受釐合祉寶祚惟新

祝史正辭人神叶慶福以德昭享以誠應六
變云備百禮斯浹祀事孔明福流萬葉

馨香惟后德明命光天保肅和崇皇靈陳信
表皇道玉戚初蹈厲金匏既靜好

大號成命思文配天神光膺嚮龍駕言旋眇
眇閭闔昭昭上玄俾昌而大於萬斯年

六成既闕三薦云終神心具醉聖敬愈崇受
釐皇邸迴蹕惟宮穰穰之福未永無窮

褚亮作祭方丘樂章五首

萬物資以化文泰屬昇平易從業惟簡得一
道斯寧具儀光玉帛送舞變成英黍稷良非
貴明德信惟馨

至矣坤德皇哉地祇開元統組合大承規九
宮肅列六典相儀永言配命長保無虧
柔而能方直而能敬厚載以德大亨以正有
滌斯牲有馨斯盛介茲景福祚我休慶
玉幣牲牲分薦享羽旄干鉞迺成容一德惟
寧兩儀泰三才保合四時邕

陰祗協贊厚載方貞牲幣具舉簫管備成其
豐惟肅其德惟明神之聽矣式鑒虔誠

睿宗祭方丘樂章三首

太極元年

坤厚載物德柔垂祉九域咸雍四溟爲紀敬
因良節虔修陰祀廣樂式張靈其降止
坤元至德品物資生神凝博厚道協高明列
鎮五嶽環流四瀛于何不載萬寶斯成
樂備金石禮光尊俎大亨爰終洪休是與雨
零感節雲飛應序纓紱載辭皇靈具舉

唐雅卷第十

唐雅卷第十一

大明嘉靖壬子歲直隸常州府無錫縣置板

祭祀部

祈穀樂章三首

貞觀中褚亮等作

履艮斯繩居中體正龍運垂祉昭符啓聖式
事嚴禋聿懷嘉慶惟帝永錫時皇休命

殷薦乘春太壇臨曙八簋盈和六瑚登御嘉

稷匪歆德馨斯飶祝嘏無易靈心有豫

玉帛犧牲申嘉享金絲戚羽盛音容庶俾億

唐雅卷十一
齡禔景福長欣萬宇洽時邕

朱鳥開辰蒼龍啓應大帝昭饗群生展敬禮
褚亮作雩祀樂章三首

朱鳥開辰蒼龍啓應大帝昭饗群生展敬禮
備懷柔功宣舞詠旬液應序年祥協慶

紺筵分彩珽圖吐絢鳳管晨凝雲歌曉轉肅
事蘭羞虔申桂奠百穀斯登萬箱攸薦

鳳曲登歌調冷序龍雩集舞泛祥風綵旒雲
廻昭睿德朱干電發表神功

雩祀舊樂章二首 開元中作

鳥緯遷序龍星見辰純陽在律明德崇禋五

方降帝萬宇安人恭以致享肅以迎神

祀遵經設享緣誠舉獻畢于樽撤臨于俎舞

止于戚樂停祝啟歌以送神神還其所

朝日樂章三首 貞觀中作

惟聖格天惟明饗日帝郊肆類王宮戒吉珪

奠春舒鍾歌曉溢禮云克脩斯文有秩

晨儀式薦明祀惟光神物爰止靈暉載揚玄

端肅事紫幄興祥福履攸假於昭允王

唐雅卷十一
崇牙樹羽廷調露旋宮扣律掩承雲誕敷懿
德昭神武載集豐功表睿文

真春
朝日樂章又二首

太陽朝序王宮有儀蟠桃彩駕夕柳光馳軒
祥表合漢曆彰奇禮和樂備神其降斯
五齊兼酌百羞具陳樂終廣奏禮畢崇禋明
鑑萬寓照臨兆人永流洪慶式動曦輪

夕月樂章三首

貞觀
中作

測妙爲神通微曰聖坎祀貽則郊禋展敬壁

薦登光金歌動暎以載嘉德以流曾慶

朏晨爭舉天宗禮闕夜典恭秋陰明湛夕有
醑斯旨有牲斯碩穆穆其暉穰穰是積

合吹八風金奏動分容萬舞玉鞘驚詞昭茂
典先前列夕曜乘功表盛明

蜡百神樂章三首

貞觀
中作

序迫歲陰日躔星紀爰稽茂典聿崇清祀綺
幣霞舒瑞珪虹起百靈垂裕萬方受祉
緹龠動序玄英挽候姬蜡開儀函歌入奏蕙

馥彫俎蘭芬玉酎大享明祗永綏多祐
經緯兩儀文化洽削平方域武功成瑤絃自
樂乾坤泰玉鉞長歡區宇寧

蜡百神舊樂章二首

八蜡開祭萬物合祀上極天維下窮神紀鼎
俎流芬尊彝薦美有靈有祗感希來止
十旬歡洽一曰祀終澄燹拂俎報德酬功慮
虔容肅禮縟儀豐神其降祉整馭隨風

祀九宮貴神樂章十五首

天寶三年十二月術士蘇嘉慶言遁甲
術有九宮貴神典司水旱請立壇於東
郊祀以四孟月帝從之禮在太清宮太
廟上所用牲玉皆侔天地

於昭上穹臨下有光羽翼五佐周流八荒誰
其饗之時文對敷虞經夏典茲禮未遑
黑帝旋馭青躔導日金錄上玄玉堂初吉鈞
陳夕次鑾和先蹕藹藹群靈昭昭咸秩
帝臨中壇受釐元神皇靈萃止羽旄肅陳攝

提運衡招搖移輪光光宇宙電耀雷震
夜如何其明星煌煌天清容衛露結壇場樹
羽幢幢佩玉鏘鏘凝精駐目瞻望神光
九位既肅萬靈畢會天門啓扃日御飛蓋煥
兮琴籥儉兮暗靄如山之福惟聖時對
崇崇泰壇靈具臨兮鏗鏘大樂振動心兮神
之降矣卿雲郁兮神之至止清風肅兮
帝在靈壇大明登光天回雲粹穆穆皇皇金
奏九夏圭陳八芻曠哉動植如熙春陽

歌工既奏神位既秩天符衆星運行太一聲
和十管氣應中律肅肅明廷介茲元吉

俎豆有踐黃流在罇九宮之祀三代莫存樂
變六宮壇開八門聖皇昭對祐我黎元

時文哲后肅事嚴禋馨我明德饗我貴神大
庖載盈旨酒斯醇精意所屬期於利人

祀既云畢明靈告旋禮洽和應福至神虔動
植咸若陰陽不愆錫茲祝嘏天子萬年

羽籥既闋干戚陳八音克諧六變新愉貴神

兮般以樂保皇祚兮萬斯春

盛德陳萬舞威稜暢九垓風雲交律候日月
麗昭回行慶休祥發乘和春氣來百神肅臨
享蕩蕩天門開

精意嚴恭明祀豐絜獻酬既備俎豆斯撤日
麗天儀風和樂節事光祀典福覃有截
享申百禮慶洽百靈上排閭闔洞入杳冥奠
玉高壇燔柴廣庭神之降福萬國咸寧

張九齡奉和聖製燭龍齋祭一首

上帝臨下鑒亦有光孰云陰隲惟聖克彰大
月徂暑四郊信陽我后其勤告于壇場精意
允益群靈彭舞蔚兮朝雲霈然時雨雨我原
田亦既有年燭龍煌煌明宗報祀于以助之
天人帝子聞詩有訓國風茲始

宗廟部

太宗享太廟樂章十一首

貞觀十四年

於穆烈祖弘此丕基永言配命子孫保之百
神既洽萬國在茲是用孝享神其格思

大哉至德允茲明聖格于上下聿遵誠敬嘉
樂斯登鳴球以詠神其降止式隆景命
崇茲享祀誠敬兼至樂以感靈禮以昭事粢
盛咸絜牲牲孔備永言孝思庶幾不匱

濬哲維唐長發其祥帝命斯祐王業克昌配
天載德就日重光本枝百代申錫無疆

猗與祖業皇矣帝先翦商德厚封唐慶延在
姬猶稷方晉踰宣基我鼎運於萬斯年

周美王季晉美帝文明明盛德穆穆齊芬藏
用四履屈道三分鏗鏘鍾石載紀鴻勳

五紀更運三正遞升勛華既沒禹湯勃興神
武命代靈睠是膺望雲彰德察緯告徵上紐

天維下安地軸徵師涿野萬國咸服偃伯靈
臺九宮允穆殊域委賚懷生介福大禮既飾

大樂已和黑章擾囿赤字浮河功宣載籍德
被詠歌克昌厥後百祿是荷

八音斯奏三獻畢陳寶祚惟永暉光日新
聖敬通神光七廟靈心薦祚和萬方嚴禋克

配鴻基遠明德惟馨鳳曆昌

於穆清廟聿脩嚴祀四縣載陳三獻斯止遵

豆撤薦人祗介祉神惟格思錫祚不已

肅肅清祀烝烝孝思薦享昭備虔恭在茲雍

歌撤俎祝嘏陳辭用光武志永固鴻基

高宗享太廟樂章五首

永徽中作

五運改卜千齡啓聖彤雲曉聚黃星夜映葉

闡珠囊基開玉鏡

高宗時曾
有玉鏡圖

下臨萬寓上齊

七政霧開二象塵清服海濂星暉遠安邇肅

天地交泰華夷輯睦翔泳歸仁中外禔福績

踰黜夏勲高翦商武陳七德刑設三章祥禽

巢閣仁獸遊梁卜年惟永景福無疆

承天撫籙纂聖登皇遐清萬寓仰協三光功

成日用道濟時康璇圖載永寶曆斯昌日月

揚暉烟雲爛色河嶽脩貢神祗效職寧風攸

偃堯曦先就睿感通寰孝思浹宙奉揚先德

虔遵曩狩展義天局飛英雲岫化軼王表神

凝帝先乘雲厭俗馭日登玄

廣樂既備嘉薦既新述先惟德孝饗惟親七
獻具舉五齊畢陳錫茲祚福於萬斯春
惟睿作聖惟聖登皇精感耀魄時膺會昌舜
慙大孝堯推讓王能事斯極振古誰方文明
履運車書同軌巍巍赫赫盡善盡美衢室凝
旒大庭端辰釋負之寄事光復子脫屣高天
登遐上玄龍湖超忽象野芊綿遊衣復道薦
果初年新廟奕奕明德配天
大業龍祉徽音駿尊潛居皇德赫嗣天昆展
儀宗祖重誠孝孫春秋無極享奏存存

享太廟樂章又三首

七廟觀德百靈攸仰俗荷財成物資含養道
光執契化籠提象肅肅雍雍神其來饗

肅肅清廟巍巍盛唐配天立極累聖重光樂
和管磬禮備烝嘗永惟來格降福無疆

五聲備奏三獻終祠車移鳳輦旆轉紅旗禮
周籩豆誠效虔祗皇靈徒蹕簪紳拜辭

中宗享太廟樂章十四首

神龍元年

肅肅清廟赫赫玄猷功高萬古化奄十洲中
興丕業上荷天休祇奉先構禮被懷柔

顧惟菲薄纂曆應期中外同軌夷狄來思樂
用崇德禮以陳詞夕揚若厲欽奉宏基

禮標薦鬯肅事祠庭敬申如在敢託非馨

崇禋已備染盛聿脩絜誠斯展鍾石方道

金相載穆玉裕重輝養德青禁承光紫微乾

宮候色震象增威監國方永賓天不歸孝友

自衷溫文性與龍樓正啓鶴駕斯舉丹宸流

念鴻名式序中興考室永陳彝俎

巍巍累聖穆穆重光奄有區夏祚啓隆唐百

蠻飲澤萬國來王本枝億載鼎祚逾長

惟聖配天敷盛禮惟天爲大闡洪名恭禋展

敬光先德蘋藻申虔表至誠

炎馭失王綱土德承天命英猷被寰宇懿躅

隆邦政七德已綏邊九夷咸底定景化覃遐

邇深仁洽翔泳

禮周三獻樂闋九成肅承靈福悚惕兼盈

唐雅卷十一
祠容既畢仙座爰興停停日舉靄靄雲昇長
隆寶運永錫休徵福覃貽厥恩被黎蒸
道洽而二儀交泰時休四寓和平環佩肅於
庭實鍾石揚乎頌聲

顧惟菲質忝位椒宮虔奉蘋藻肅事神宗敢
申誠絜庶罄深衷眸容有裕靈享無窮
月禮已周雲和將變爰獻其醑載遷其奠明
德逾隆非馨是薦澤霑動植仁覃寓縣
鏗鏘韶濩肅穆神容洪規赫赫祀典雍雍已

周二獻將乘六龍虔誠有託懇志無從

玄宗享太廟樂章二十五首

開元七年張說

奉勅撰

肅九室諧八音歌皇慕動神心禮宿設樂妙
尋聲明備裸奠臨

律迓氣音入玄依玉几御黼筵聆愾息優周
旋九韶遍百福傳
信工祝永頌聲來祖考聽和平相百辟貢九
瀛神休委帝孝成

唐雅卷二
時文聖后清廟肅邕致誠勤薦在貌思恭玉
節肆夏金鏘五鍾繩繩雲步穆穆天容
天子享孝工歌溥將既裸鬱鬯乃焚膾薌臭
以達旨聲以求陽奉時烝嘗永代不忘
在滌嘉黍麗碑敬牲角握之牝色純之駢火
傳陽燧水溉陰精太公胖俎傳說和美
俎豆有馥齋盛絜豐亦有和美既戒既平鼓
鍾管磬肅唱和鳴皇皇后祖來我思成
聖暮九德真言五千慶集昌胄符開帝先高
文杖鉞克配彼天三宗握鏡六合渙然帝其
承祀率禮罔愆圖書霧出日月清懸舞形德
類詠諡功傳黃龍蜿壇彩雲蹁躑五行氣順
八佾風宣介此百祥於皇萬年
肅藝祖滔滔濬源有雄玉劔作鎮金門玄王
貽緒后稷謀孫肇禋九廟四海來尊
具禮崇德備樂承風魏推幢主周贈司空不
行而至無成有終神興王業天歸帝功
於赫元命權輿帝文天齊八柱地半三分宗

廟觀德笙鏞樂勲封唐之兆成天下君
帝舞季歷隆聖生昌后歌有嶠胎炎孕黃天
地合德日月齊光肅雍孝享祚我萬方
赤精亂德四海困窮黃旗舉義三靈會同旱
望春雨雲披大風溥天來祭高祖之功
皇合一德朝宗百神削平天地大拯生人上
帝配食單于入臣戎歌陳舞曄曄震震
高皇邁道端拱無爲化懷獯鬻兵賦勾驪禮
尊封禪樂盛來儀合位媧皇后稱伏犧

退居江水鬱起丹陵禮物還舊朝章中興龍
圖友及駿命恭膺鳴球香瓚大禧是承
景雲霏爛告我帝符噫帝冲德與天爲徒笙
鏞遙遠俎豆虛無春秋孝獻迴復此都
備禮用樂崇親致尊誠通茲降敬徹愛存獻
懷稱壽啐感承恩皇帝孝德子孫千億大包
天域長亘不極

六鍾翕協六變成八佾倘佯八風生樂九韶
兮人神感美七德兮天地清

唐雅卷十一
瑟彼瑤爵亞維上公室如屏氣門不容躬禮
殷其本樂執其中聖皇永慕天地幽通
禮匝三獻樂遍九成降循軒陛仰歆皇情福
與仁合德因孝明百年神畏四海風行
總總千戚填填鼓鍾奮揚增氣坐作為容離
若鷲鳥合如戰龍萬方觀德肅肅邕邕
烈祖順三靈文宗威四海黃鉞誅群盜朱旗
掃多罪戢兵天下安約法人心改大哉干羽
意長見風雲在

止笙磬撤豆籩廓無響宵入玄主在室神在
天情餘慕禮罔愆喜黍稷屢豐年
眇嘉樂授靈爽感若來思如往休氣散迴風
上返寂寞還惚恍懷靈駕結空想

陳叔達太廟裸地歌辭一首

清明既裸鬱鬯惟禮大哉孝思嚴恭祖禰龍
袞以祭鸞刀斯啓發德朱絃升歌丹陛筵享
粢盛堂斟沉齊降福襍襍來儀濟濟

儲光義尚書省受誓誠治太廟裴丞

一首

皇家有恒憲齋祭崇明祀嚴車伊洛間受誓
文昌裏沉沉雲閣見稍稍城烏起曙色照衣
冠虛庭鳴劔履徘徊念私覲悵望臨清汜點
翰欲何言相思從此始

杜甫朝享太廟賦一首

初高祖太宗之櫛風沐雨勞身焦思用黃鉞
白旗者五年而天下始一歷三朝而勦力今
庶績之大備上方采流俗之謠稽正統之類

蓋王者盛事臣聞之於里曰昔武德已前黔
黎蕭條無復生意遭鯨鯢之蕩汨荒歲月而
沸渭袞服紛紛朝廷多閏者仍亘乎晉魏臣
竊以自赤精之衰歇曠千載而無真人及黃
圖之經綸息五行而歸厚地則知至數不可
以久缺凡材不可以長寄故高下相形而尊
卑各異惟神斷繫之於是本先帝取之於義
壬辰既格于道祖乘輿即以是日致齋於九
室所以昭達孝之誠所以明繼天之質具禮

有素六官咸秩大輅每出或黎元不知豐年
則多而筐筥其實既而太尉參乘司僕扈蹕
望重闈以肅恭順法駕之徐疾公卿淳古士
卒精一點宗廟之愈深抵職司之所密宿翠
華於外戶曙黃室於通術氣淒淒於前旒光
靡靡於嘉栗階有賓乍帳有甲乙升降之際
見玉柱生芝擊拊之初覺鈞天合律筍簾乍
以碣磬千戚宛而婆娑鞀鼓增篴爲之主鍾
磬竽瑟以之和雲門咸池取之至空桑孤竹
貴之多八音脩通既比乎旭日升而氛埃滅
萬舞陵亂又似乎春風壯而江海波鳥不敢
飛而玄甲嶸嶸以岳峙象不敢去而鳴珮剡
爚以星羅已而上乾豆以登歌美休成之既
饗璧玉儲精以稠疊門欄洞豁而森爽黑帝
歸寒而激昂蒼靈戒曉而來往熙事莽而充
塞群心麇以振蕩桐花未吐孫枝之鸞鳳相
鮮雲氣何多宮井之蛟龍亂上若夫生弘佐
命之道死配貴神之列則殷劉房魏之勲是

可以中摩伊呂上冠夔禹代天之工爲人之
傑丹青滿地松竹高節自唐興以來若此時
哲皆朝有數四名垂卓絕向不遇反正撥亂
之主君臣父子之別奕葉文武之雄注意生
靈之切雖前輩之溫良寬大豪俊果決曾何
以措其筋力與韜鈴載其刀筆與喉舌使祭
則與食則血若斯之盛而已爾乃直于主索
于祊警幽全之物散純道之精蓋我后常用
惟時克貞營以蕭合酌以茅明嘏以慈告祝
以孝成故天意張皇不敢殄其瑞神姦妥帖
不敢祕其精而撫絕軌享鴻名者矣于以奏
永安于以奏王夏福穰穰於絳闕芳霏霏於
玉壘沛枯骨而破聾盲施歿胎而逮鰥寡園
陵動色躍在藻之泉魚弓劍皆鳴汗鑄金之
風馬霜露堪吸禎祥可把曾宮歔歔陰事儼
雅薄清輝於鼎湖之山靜餘響於蒼梧之野
上窅然漠漠惕然兢兢紛益所慕若不自勝
瞰牙旗而獨立吟翠駮而未乘五老侍祠而

精駭千官逖聽而思凝於是丞相進曰陛下
應道而作惟天與能澆訛散淳樸登尚猶日
慎業業孝思烝烝恐一物之失所懼先王之
咎徵如此之勤恤匪懈是百姓何以報夫元
首在臣等何以充其股肱且如周宣之教親
不暇孝武之淫祀相仍諸侯敢於迫脅方士
奮其威稜一則以微言勸內一則以輕舉虛
憑又非陛下恢廓緒業其瑣細亦曷足稱丞
相退上跼天躅地授綏登車伊鴻涸槍壘先
出爲儲胥本枝根株乎萬代睿想經緯乎六
虛甲午方有事於采壇紺席宿夫行所如初

張九齡奉和聖製謁玄元皇帝廟齋

一首

興運昔有感建祠北山顛雲雷初締構日月
今悠然紫氣尚翕鬱玄元如在焉迨茲事追
遠輪奐復爭鮮洞府香林處齋壇清漢邊吾
君乃尊祖夙駕此留連樂動人神會鍾成律
度圓笙歌下鸞鶴芝木萃靈仙曾是福黎庶

唐書卷之十一
六
豈唯味虛玄睿歌徒有作微薄謝昭宣
吾八真太清宮樂章十一首入軒會
玄宗開元二十年正月詔兩京諸州置
今於玄元廟天寶二年三月以西京玄元廟
與戰為太清宮薦獻聖祖玄元皇帝奏混成
紫極之舞

煌煌道宮肅肅太清禮光尊祖樂備充庭罄
竭誠至希夷降靈雲凝翠盖風燄虹旌衆真
以從九奏初迎永惟休祐是錫和平
虛無結思鍾磬和音歌以頌德香以達心禮
殊裸鬯義感照臨雲車至鉞慶垂愔
肅肅我祖縣縣道宗至感潜達靈心暗通雲
輶御氣芝盖隨風四時禋祀萬國來同
仙宗積道我李承天慶深虛極符光象先俗
登仁壽化闡淵蛸五千貽範億萬斯年
不宰元功無為上聖洪源長發誕受天命金
奏迎真璇宮展盛備禮周樂垂光儲慶
至道生元氣重圓法混成無為觀大象冲用

唐雅卷十一
九
體常名仙樂臨丹闕雲車出玉京靈符百代
應瑞節九真迎寶運開皇極天光暎太清長
垂一德慶永庇萬方寧
真宗開妙理冲教統清虛化演無為日言昭
有象初瑤壇肅靈瑞金闕暎仙居一奏三清
樂長回八景輿
虛極仙宗本希夷象帝先百靈朝太上萬法
祖重圓善貸惟冲德功成謂自然雲門達和
氣思用合鈞天

元符傳紫極寶祚啓高真道德先垂裕冲和
已化淳人風齊太古天瑞叶惟新仙樂清都
上長明交泰辰

嚴禋展事禮絜烝嘗皇矣聖祖德惟馨香盛
薦既撤歌工再揚大來之慶降福穰穰
玉磬含響金鑪既馥風馭泠泠雲壇肅肅杳
歸大象霈流嘉福俾寧萬邦無思不服甲子

杜甫朝獻太清宮賦一首

冬十有一月天子既納處士之議承漢繼周

華弊用古勒崇揚休明年孟陬將據大禮以
相籍越彝倫而莫儔歷良辰而戒吉分祀事
而孔脩管室主夫宗廟乘輿備乎冕裘甲子
王以昧爽春寒薄而清浮虛閭闔闔逗蚩尤
張猛馬出騰虬捎熒惑隨旄頭風伯扶道雷
公挾輶通天台之雙闕警溟漲之十洲浩劫
礪礪萬仙颼颼歛臻于長樂之舍崑入乎崑
崙之丘太一奉引庖犧左右堯舜趨禹馳
湯驟鬱閼宮之律率坵元氣以經構斷紫雲
而竦牆撫流沙而承雷紛噶珠而陷碧燿波
錦而浪繡森青冥而欲雨滂光炯而初晝於是
翠蕤俄的藻藉舒就祝融擲火以焚香溪女
捧盤而盥漱群有司之望幸辨名物之難究
瓊漿自間於粢盛羽客先來於介冑爍聖祖
之儲祉敬雲孫而及此詔軒轅使合符勅王
喬以視履積昭感於嗣續匪正辭於祝使若
胥蠶而有憑肅風颺而乍起揚流蘇於浮柱
金英霏而披靡擬雜珮於曾巔孔蓋歌以颯

纒中從從以迴復外蕭蕭而未已上穆然注
道爲身覺天傾耳陳僭號於五代復戰國於
千祀曰嗚呼昔蒼生纏孟德之柁爲仲達所
愚鑿齒其俗窳窳其孤赤烏高飛不肯止其
屋黃龍哮吼不肯負其圖伊神器臬兀而小
人响喻曆紀大破創痍未蘇尚攫拏於吳蜀
又顛躓於羯胡縱群雄之發憤誰一統於身
衢在拓跋與宇文豈風塵之不殊比聰廐及
堅特渾貔豹而齊驅愁陰鬼嘯落日梟呼各
擁兵甲俱稱國都且耕且戰何有何無惟累
聖之徽典恭淑慎以允緝茲火土之相生非
符讖之備及煬帝終暴叔寶初襲編簡尚新
義旗爰入既清國難方覩家給竊以爲數子
自誣敢貞乎五行攸執而觀者潛晤或喜至
於泣鱗介以之鳴篋昆蚊以之振蟄感而遂
通罔不具集沆神光而紺閭羅詭異以戢晉
地軸傾而融曳涸宮儼以嶷岌九天之雲下
垂四海之水皆立鳳鳥威遲而不去鯨魚屈

矯以相吸掃大始之含靈卷殊形而可挹則
有虹蜺爲鈎帶者入自於東揭蒼蒼履崆峒
素髮漠漠至精濃濃條弛張於巨細覬披寫
於心胷蓋脩竿無隙而仄席已容裂手中之
黑簿睨堂下之金鐘得非擬斯人於壽域明
返撲於玄蹤忽翳日而翻萬象却浮雲而留
六龍咸讐跖而壯茲應終蒼黃而昧所從上
猶色若不足處之彌恭天師張道陵等泊左
玄君者前千二百官吏謁而進曰今王巨唐
帝之苗裔坤之紀綱土配君服官尊臣商起
數得統特立中央且大樂在懸黃鍾冠八音
之首太昊斯啓青陸獻千春之祥曠哉勤力
耳目宜乎大帶斧裳故風后孔甲充其佐山
稽岐伯翼其傍至於易制取法足以朝登五
帝夕宿三皇信周武之多幸存漢祖之自強
且近朝之濫吹仍改卜乎祠堂初降素車終
勤恤其後有客白馬固漂淪不忘伊庶人得
議寔邦家之光臣道陵等試本之於青簡探

之於縹囊列聖有差夫子聞斯於老氏好問
自父宰我同科於季康敢撥亂返正乃此其
所長萬神開八駿迴旗掩月車奮雷騫七曜
燭九垓能事穎脫清光大來或曰今太平之
人莫不優游以自得况是蹴魏踏晉批周扶
隋之後與夫更始者哉

武后享清廟樂章十首

建清廟贊玄功擇吉日展禋宗樂已變禮方
崇望神駕降仙宮

隆周創業寶命惟新敬宗茂典爰表虔禋聲
明已備文物斯陳肅容如在懇志方申

肅敷大禮上謁尊靈敬申筐幣載表丹誠
敬奠蘋藻式罄虔襟絜誠斯展佇降靈歆

爰陳玉醴式奠瓊漿靈心有穆介福無疆
帝圖草創王業初開功高佐命業贊雲雷

赫赫玄功被穹壤皇皇至德洽生靈開基撥
亂妖氛廓佐命宣威海內清

荷恩承顧託執契恭臨撫廟略靜邊荒天兵

耀神武

登歌已闋獻禮方周欽承景福肅奉鴻休

大禮言畢仙衛將歸莫申丹懇空瞻紫微

李舒讓皇帝廟樂章六首

皇矣天宗德先王季因心則友克讓以位爰

命有司式遵前志神其降靈昭饗祀事

惟帝時若去而上僊祀用商武樂備宮懸白

璧加薦玄纁告虔子孫拜後承茲吉蠲

祀盛體薦禮協粢盛方周假廟用魯純牲捧

撤祗敬擊拊和鳴受釐歸胙既戒而平

八音具舉三壽既盟潔茲宗彝瑟彼圭瓚蘭

肴重錯椒醕飄散降胙維城永爲藩翰

秩禮有序和音既同九儀不忒三揖將終孝

感藩后相維辟公四時之典永永無窮

奠獻已事昏昕載分風搖雨散靈衛細縕龍

駕帝服上騰五雲泮宮復闕寂寞無聞

李舒德明興聖廟樂章七首

玄宗天寶二年三月追尊臯繇爲德明

唐書卷之二十一
皇帝涼武昭王爲興聖皇帝

元尊九德佐堯光宅烈祖太宗方周作伯響
懷霜露樂變金石白雲清風髣髴來格

四時有典百祀來祭尊祖奉宗嚴禋大帝禮
先蒼璧奠備黜制於斯萬年熙成帝系

盛牲實俎涓選休成鼎燧陽燧玉盥陰精有
飴嘉豆旣和大美侑以清樂羹齊人情

清廟奕奕和樂雍雍器尊犧象禮屬宗公白
水方裸黃流在中謨明之德萬古清風

闕宮靜謐合樂周張泰尊始獻百末重觴震
澹存誠庶幾迪嘗遙源之祚天漢靈長

惟清惟肅靡聞靡見舉備九成俛終三獻慶
彰曼壽昨撤嘉薦瘞玉埋牲禮神斯徧

元精回復靈貺繁滋風灑蘭路雲搖桂旗高
丘緬邈涼部逶遲瞻望靡及纏綿永思

昭德皇后廟樂章九首

穆清廟薦嚴禋昭禮備和樂新望靈光集元
辰祚無極享萬春

誠心達娛樂分升蕭管鬱氛氲茅既縮鬯既
薰后來思福如雲

我將我享盡明而誠載芬黍稷載滌犧牲懿
矣元良萬邦以真心乎愛敬若睹容聲

於穆先后儷聖稱崇母臨萬宇道被六宮昌
時協慶理內成功殷薦明德傳芳國風

工祝致告徽音不遐酒醴咸旨馨香具嘉受
釐獻祉永慶邦家

金枝羽部輟清歌瑤臺肅穆笙磬羅諧音遍
響合明意萬類昭融靈應多

辰位列四星帝功參十亂進賢勤內輔扈蹕
清多難承天厚載均並曜宵光燦留徽藹前

躅萬古披圖煥
公尸既起享禮載終稱歌進撤盡敬由衷澤

流惠下大小咸同
昭事終幽享餘移月御返仙居璇庭寂靈幄

虛顧徘徊感皇儲
儀坤廟樂章十二首

猗若清廟肅肅熒熒國薦嚴祀坤輿淑靈有
几在室有樂在庭臨茲孝享百祿惟寧徐彦伯

陰靈効祉軒曜降精祥符淑氣慶集柔明瑤
俎既列雕桐發聲微猷永遠比德皇英

孝哉我后冲乎迺聖道暎重華德輝文命慕
深視篋情殷撫鏡萬國移風北人承慶丘說

裸圭既濯鬱鬯既陳畫幕雲舉黃流玉醇儀
充獻酌禮盛衆裡地察仁孝愉焉饗親張齊賢

酌鬱既灌取蕭方藝籩豆靜嘉簋簋芬飴魚
腊薦美牲牲表絜是戢是將載迎載列鄭善玉

陽靈配德陰魄昭升堯壇鳳下漢室龍興倪
天作對前旒是疑化行南國道盛西陵造舟

集灌無德而稱我粢既絜我醴既澄陰陰靈
廟光靈若憑德馨惟饗孝思烝烝薛稷

乾道既亨坤元以貞肅雍攸在輔佐斯成外
睦九族內光一庭克生獻哲祚我休明欽若

若徽範悠哉淑靈建茲清宮于彼上京縮茅
以獻絜秬惟馨實受其福期乎億齡

於穆清廟肅雍嚴祀合福受釐介以繁祉徐堅

送文迎武遞參差一始一終光聖儀四海生

人歌有慶千齡孝享肅無虧胡雄

妙筭申帷幄神謀出廟廷兩階文物備七德

武功成校獵長楊苑屯軍細柳營將軍獻凱

入歌舞溢重城劉子玄

孝享云畢維撤有章雲感玄羽風悽素商瞻

望神座祗戀匪遑禮終樂闋肅雍鏘鏘貞半

闕宮實實清廟微微降格無象馨香有依式

昭纂慶方融嗣徽明裡是享神保聿歸祝欽明

儀坤廟舊樂章二首

月靈降德坤元授光娥英比秀任姒均芳瑤

臺薦祉金屋延祥迎神有樂歆此嘉蕪

玉帛儀大金絲奏廣靈應有孚冥徵不爽降

彼休福假茲裡享送樂有章神麾其上

武氏享先廟樂章一首

天后光宅元年九月武承嗣請追王其

祖立武氏七廟太后從之

先德謙撝冠昔嚴規節素超今奉國忠誠每
竭承家至孝純深追崇懼乖尊意顯號恐玷
徽音既迫王公屢請方乃俯遂群心有限無
由展敬奠醑每闕親斟大禮虔申典冊蘋藻
敬薦翹襟

韋氏褒德廟樂章五首

神龍中中宗皇帝為皇后韋氏祖考立
廟謂之褒德廟

道赫梧宮悲盈蒿里爰暢徽烈載敷嘉祀享

洽四時規陳二簋靈應昭格神其戾止

塗山懿戚媯汭崇姻祠筵肇啓祭典方申禮

以備物樂以感神用隆敦叙載穆彝倫

家著累仁門昭積善瑤篚既列金縣式展

昭昭竹殿開奕奕蘭宮啓懿範隆丹掖殊榮

闢朱邱六佾薦徽容三簋陳芳醴萬石覃貽

厥分珪崇祖禰

名隆五岳秩映三台嚴祠已備睟影方廻

享隱太子廟樂章五首

道閔鶴關運纏鳩里門集大命俾歆嘉祀禮
亞六瑚誠殫二簋有誠顯若神斯戾止
歲肇春宗乾開震長瑤山既寂戾園斯享玉
肅其事物昭其象絃誦成風笙歌合響
明典肅陳神居邃起春伯聯事秋官相禮有
來雍雍登歌濟濟緬惟主鬯庶歆芳醴
三縣已判歌鍾列六佾將開羽鉞分尚想燕
飛來蔽日終疑鶴影降凌雲
天步昔將開商郊初欲踐撫戎金陣廓貳極
瑤圖闡雞戟遂威儀龍樓期好善弄兵墮震
業啓聖隆詞典

享隱太子廟舊樂章二首

蒼震有位黃離蔽明江充禍結戾據災成銜
寃昔痛贈典今榮享靈有秩奉樂以迎
皇情悼往祀議增設鍾鼓鏗鏗羽旄昭晰掌
禮云備司筵告撤樂以送神靈其鑒闕

唐雅卷第十二

唐雅卷第十二

三

御宇
神聖
顯赫
聖德
廣濟
萬民
皇恩
溥被
遐邇
咸歸
聖化
黎元
咸仰
聖訓
皇極
經世
之理
垂拱
無爲
之治
天下
歸心
萬物
咸仰
聖德
廣濟
萬民
皇恩
溥被
遐邇
咸歸
聖化
黎元
咸仰
聖訓
皇極
經世
之理
垂拱
無爲
之治
天下
歸心
萬物
咸仰

唐雅卷第十二

大明嘉靖壬子歲直隸常州府無錫縣置板

社稷部

太宗祭神州樂章三首

貞觀中褚亮等作

大矣坤儀至哉神縣包含日域牢籠月竈露

絜三清風調六變皇祗屆止式歆恭薦

泰折嚴享陰郊展敬禮以導神樂以和性黜

牲在列黃琮俯暎九土既平萬邦貽慶

坤道降祥和庶品靈心載德厚羣生水土既

調三極泰文武畢備九區平

祭神州舊樂章二首

黃輿厚載赤寰歸德含育九區保安萬國誠
敬無怠裡祀有則樂以迎神其儀不忒
神州陰祀洪恩廣濟草樹霑和飛沈沐惠禮
脩鼎俎奠歆瑤幣送樂有章靈軒其逝

太宗祭太社樂章三首

貞觀中褚亮等作

后土凝德神功協契九域底平兩儀交際戊
期應序陰墉展幣靈車少留俯歆樽桂

美報崇本嚴恭展事受露䟽壇承風啓地絜
粢登俎純犧入饋介福遠流羣生畢遂
神道發生敷九稼陰極乘仁暢八埏緯武經
文隆景化登祥薦祉啓豐年

祭太社舊樂章二首

烈山有子后土有臣播種百穀濟育兆人春
官輯禮宗伯司禋戊爲吉日迎享茲辰
吉祥式就酬功載畢親地尊天禮文經術貺
徵令序福流初日神馭爰歸祠官其出

享先農樂章四首

貞觀中褚亮等作

粒食伊始農之所先古今攸賴是曰人天耕
斯帝籍播厥公田式崇明祀神其福焉
樽彝既列瑚簋方薦歌工載登幣禮斯奠肅
肅享祀顛顛纓弁神之聽之福流寰縣
前夕視牲質明奉俎沐芳整弁斯儀式序盛
禮畢陳嘉樂備舉歆我懿德非馨稷黍
羽籥低昂文綴已干戚蹈厲武行初望歲祈
農神所聽延祥介福豈云虛

享先農舊樂章一首

三推禮就萬庾棋凝夤賓志遠薦藜惟興降
歆肅薦垂祐祗膺送神有樂神其上昇

享先蠶樂章五首

明慶中作

芳春開令序韶苑暢和風惟靈申廣祐利物
表神功綺會周天宇黼黻澡寰中庶幾承慶
節歆奠下帷宮

明靈光至德深功掩百神祥源應節啓福緒
逐年新萬宇承恩覆七廟佇恭禋一茲申至

懇方期遠慶臻

霞莊列寶衛雲集動和聲金卮薦綺席玉幣

委芳庭因心罄丹款先已勵蒼生所冀延明

福於茲享至誠

桂筵開玉俎蘭圃薦瓊芳八音調鳳律三獻

奉鸞觴絜粢申大享庭寓冀降祥神其覃有

慶契福永無疆

仙壇禮既畢神駕儼將昇佇屬深祥啓方期

庶績凝虔誠資宇內務本勗黎烝靈心昭備

享率土洽休徵

釋奠部

釋奠文宣王樂章五首

開元中作

開元二十七年秋八月追謚孔子為文

宣王先是祀先聖先師周公南向孔子

東向坐制自今孔子南向坐被王者之

服釋奠用宮懸贈弟子為公侯伯

聖道日用神機不測金石以陳絃歌載陟爰

釋其菜匪馨于稷來顧來享是宗是極

萬國以貞光上嗣三善茂德表重輪視膳寢
門遵要道高闢崇賢引正人
粵惟上聖有縱自天傍周萬物俯應千年舊
章允著嘉贄孔虔王化茲首儒風是宣
堂獻瑤篚庭敷璆縣禮脩其容樂和其變肅
肅觀享雍雍執奠明禮惟馨蘋蘩可薦
隼集龜開昭聖列龍蹲鳳跼肅神儀尊儒敬
業宏圖闡綿武經文盛德施

享孔子廟舊樂章二首

通吳表聖問老探真三千弟子五百賢人德
齡規法萬載祠禋絜誠以祭奏樂迎神
醴溢犧象著陳俎豆魯壁穎聞泗川如覲里
校覃福胄筵承祐雅樂清音送神具奏

賈至旌儒廟頌一首 并序

觀象考曆本乎元辨方正位稽乎極體
元御極莫先乎教教之大莫大於儒旌
儒有祠我唐新典也昔秦滅羲軒之制廢
唐虞之則大搜學徒竭索儒黨懷書捧

檄者鱗集麀至然後罪九流之異論尤
百氏之殊術無辜殺身有道併命冤骸
積於坑谷流血染於泉壤蹈仁義而死
者不可勝紀開元末天子在驪山之宮
登集靈之臺考圖驗記周覽原隰見鄉
名坑儒頽漸猶在慨然感亡秦之敗德
哀先儒之道喪強死千載遊魂無依乃
詔有司是作新廟特幣有數以時饗祀
因祀命鄉號曰旌儒人神和悅怨氣銷
散於戲秦皇帝以神武邁古并吞六合
掃天下以一篲芟羣雄如衆草建官罷
侯大權在己自軒轅以降平一宇宙未
有若斯之盛也夫戡亂以武守武以文
文以正崇武以權勝秦皇知權之可以
取不知正之可以守嚮使天下既定守
正崇儒導六經之謨訓用三代之文質
則唐軒盛美湯武弘業不若也觀夫坑
儒焚書之意乃欲蓋先王之能事竊作

者之鴻名黜衆耳以前聞逞私欲於當代此儒之所忌也秦之所志悲夫儒以恭儉爲宗秦則疲弊生人極力宮室儒以道德柔遠秦則竭耗中國勞師四夷儒以宥過議賢秦則刻法峭刑賊虐諫輔儒以述先好古秦則師心徇志播棄典墳夫如是則秦不得不滅儒不得不坑事使然也今天子矯覆車之前軌崇明祀於後葉秦之所廢我之所興斯區夏無疆之休子孫萬代之福也昔武王封比干之墓則招諫之道勸矣晉文表緜上之田則志過之名立矣漢高護信陵之冢則尊義之風著矣未若激揚大教廟食衆賢上以興天地之經次以存顛覆之鑒下以絕厲災之眚建一祀而三德具焉鯁臣不敏敢獻頌曰

於維先王設教崇儒作訓六經爲代典謨降及夫子三千其徒載揚清風文在茲乎天喪

唐雅卷十二
斯文道有通塞寔生暴秦反道背德竊善攘
譽師心徇惑焚書坑儒萬古悽惻牢落千祀
微茫九原驪山之北坎窞猶存草樹無顏秋
雲晝昏時聞夜哭知有冤魂帝在華清登高
訪古愍然頽漙悲涼榛莽上感亡秦覆車遺
武下哀羣哲饗祀無主爰降嘉詔聿脩清祠
饋之牲牢奠酌以時幽幽廟門肅肅靈儀冥
漠有食長無餒而粵自漢初迄于隋閏亦有
令主尊儒尚訓闕典罔崇斯文莫振昭昭神
理長懷幽憤我后濬哲聰明文思敷弘大教
咸秩神祇鬼無妖災人不厲疵俾爾蒼生富
壽無期小臣作頌敢繼刪詩

釋奠武成王樂章五首

卜畋不從兆發非熊乃傾荒政爰佐一戎盛
烈載垂命祀維崇日練上戊宿嚴闕宮迎奏
嘉至感而遂通

管磬升羶薌集上公進嘉幣執信以通優如
及恢帝功錫后邑四維張百度立綿億載邈

難挹

五齊絜九牢碩椀糜循壘竿滌進具物揚鴻
績和奏發高靈寂虔告終繁祉錫昭秩祀未
無易

貳觴以獻三變其終顧此非馨尚達斯衷茅
縮可致神歆載融始神翊周拯溺除凶時維
降祐永絕興戎

明祀方終備樂斯闋黜纁就瘞豆遵告撤盼
嚮尚餘光景云滅返歸虛極神心則悅

巡狩部

太宗幸武功慶善宮賦一首

慶善宮太宗皇帝生時故宅也貞觀六
年九月巳酉帝幸于此因與貴臣宴賦
詩起居郎呂才請平宮商被之管絃命
曰功成慶善樂使童子八佾爲九功之
舞大宴會與破陣舞偕奏於庭

壽丘唯舊跡豐邑乃前基粵予承累聖縣孤
亦在茲弱齡逢運改提劍鬱匡時指麾八荒

唐雅卷三
九
定懷柔萬國夷梯山盛入款駕海亦來思單
于陪武帳日逐衛文螭端宸朝四岳無爲任
百司霜節明秋景輕冰結水湄芸黃遍原隰
禾穎積京坻共樂還鄉宴歡此大風詩

太宗重幸武功一首

貞觀十六年十一月丙辰

代馬依朔吹驚禽愁昔叢况茲承睿德懷舊
感深衷積善忻餘慶暢武閱神功垂衣天下
治端拱車書同白水巡前跡丹陵幸舊宮列
筵權故老高宴聚新豐駐蹕撫田畯迴輿訪
牧童瑞氣縈丹闕祥烟散碧空孤嶼含霜白
遙山帶日紅於焉歡擊筑聊以詠南風

太宗於北平作一首

翠野駐戎軒盧龍轉征旆遙山麗如綺長流
縈似帶海氣百重樓巖松三尺大茲焉可遊
賞何必襄城外

虞世南奉和至壽春應令一首

瑤山盛風樂南巡務逸遊如何事巡撫人瘼
諒斯求文鶴揚輕蓋蒼龍飾桂舟汎沫縈沙

嶼寒澌擁急流路指八仙館途經百尺樓眷
言昔遊踐迴駕且淹留後車喧鳳吹前旌映
綵旒龍駟駐六馬飛閣上三休調諧金石奏
歡洽羽觴浮天文徒可仰何以廁琳球

虞世南奉和幸江都應詔一首

南國行周化稽山秘夏圖百王登殊軌千載
叶前謨肆覲遵時豫順動悅來蘇安流泛玉
軸戒道翼金吾龍旗煥辰象鳳吹溢川塗封
唐昔敷錫分陝被荆吳沐道咸知讓遵儀允

美都冬律初飛管陽鴈正銜蘆巖飈肅林薄
暖景淡江湖鴻思淡幽遠厚澤潤凋枯虞琴
起歌詠漢筑動巴渝多幸沾行葦無庸類散

樗

玄宗幸蜀西至劍門一首

劍閣橫雲峻鑿輿出狩回翠屏千仞合丹嶂
五丁開灌木縈旗轉仙雲拂馬來乘時方在
德嗟爾勒銘才

玄宗幸鳳湯泉一首

開元三年
十月甲子

鳳湯泉在太白山下唐名溫泉可愈百病世相傳清則疾愈濁則無驗

西狩觀周俗南山歷漢宮薦鮮知路近省歛覺年豐陰谷含神爨湯泉養聖功益齡先井合愈疾醴源通不重鳴岐鳳誰矜陳寶雄願將無限澤沾沐衆心同

張說奉和聖製幸鳳湯泉應制一首

周狩因岐禮秦都辨雍名獻禽天子孝存老聖皇情溫潤宜冬幸游畋樂歲成湯雲出水

殿暖氣入山營坎意無私結乾心稱物平帝歌流樂府溪谷也增榮

玄宗途次陝州一首

境出三秦外途分二陝中山川入虞虢風俗限西東樹古棠陰在耕餘讓畔空鳴笳從此去行見洛陽宮

張說奉和聖製途次陝州應制一首

周召嘗分陝詩書空復傳何知萬乘睠追賞二南篇郡帶洪河側宮臨大道邊洛城將日

近佳氣滿山川

張九齡奉和聖製初出洛城一首

東土淹龍駕西人望翠華山川非徇物宮觀
豈爲家十月迴星斗千官捧日車洛陽無怨
思巡幸更非賒

盧照鄰上之回一首

回中道路險蕭關烽候多五營屯右地萬乘
出西河單于拜玉璽天子按雕戈振旅汾川
曲秋風橫大歌

沈佺期上之回一首

制書下關右天子問回中壇埤經過遠威儀
侍從雄黃麾搖晝日青憶曳松風迴望甘泉
道龍山隱漢宮

宋璟蒲津迎駕一首

回鑾下蒲阪飛旆指秦京洛上黃雲送關中
紫氣迎霞朝看馬色月曉聽鷄鳴防拒連山
險長橋壓水平省方知化洽察俗覺時清天
下長無事空餘襟帶名

宋之問駕出長安一首

聖德超千古皇風扇九圍
天迴萬象出駕動六龍飛
淑氣來黃道祥雲覆紫微
太平多扈從文物有光輝

沈佺期獄中聞駕幸長安二首

傳聞聖旨向秦京誰念羈囚滯洛城
扈從由來是方朔為伸冤氣在長平
無事今朝來下獄誰期十月是橫河
君看鷹隼俱堪擊為報蜘蛛收網羅

王昌齡駕幸河東一首

晉水千廬合汾橋萬國從
開唐天業盛入沛聖恩濃
下輦迴三象題碑任六龍
睿明懸日月千載此時逢

盧象駕幸溫泉一首

傳聞聖主幸新豐清蹕鳴鑾出禁中
細草終朝隨步輦垂楊幾處繞行宮
千官扈從驪山北萬國來朝渭水東
此日小臣徒獻賦漢家誰復重楊雄

李白上皇西巡南京歌十首

胡塵輕拂建章臺聖主西巡蜀道來劍壁門
 高九千丈石為樓閣九天開
 九天開出一成都萬戶千門入畫圖草樹雲
 山如錦繡秦川得及此間無
 華陽春樹似新豐行入新都若舊宮柳色未
 饒秦地綠花光不減上林紅
 誰道君家行路難六龍西幸萬人歡地轉錦
 江成渭水天迴玉壘作長安首

萬國同風共一時錦江何謝曲江池石鏡更
 明天上月後宮親得照娥眉
 濯錦清江萬里流雲帆龍舸下揚州北地爭
 誇上林苑南京還有散花樓
 錦水東流繞錦城星樓北挂象天星四海此
 中朝聖主峨眉山上列仙庭
 秦開蜀道置金牛漢水元通星漢流天子一
 行遺聖跡錦城長作帝王州
 水綠天清不染塵風光和暖勝三秦萬國烟

花隨玉輦西來添得錦江春

劔閣重關蜀北門上皇歸馬若雲屯少帝長

安開紫極雙懸日月照乾坤

唐雅卷第十二

